



國家清史編纂委員會・文獻叢刊

清代詩文集彙編



國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五八九

紅蝠山房詩鈔九卷外編一卷 王乃斌撰

一

紅蝠山房二編詩鈔二卷 王乃斌撰

八七

會稽山齋文十二卷會稽山齋詩五卷會稽山齋詞一卷會稽山齋文續六卷

會稽山齋詩續一卷會稽山齋經義一卷蒙泉子不分卷 謝應芝撰

一四一

味真閣詩鈔十二卷 張安保撰

三〇七

禮部遺集九卷（過庭小稟一卷誓墓餘稟一卷避弋小草二卷萍軒小草二卷

萍軒詞草一卷律賦賸稟一卷試帖賸稟一卷） 黃富民撰

四〇九

松龕先生奏疏二卷兩漢幽并涼三州今地考略一卷

附兩漢志沿邊十郡考略一卷 徐繼畲撰

五五五

松龕先生文集四卷松龕先生詩集二卷徐氏本支叙傳一卷 徐繼畲撰

五六九

雨香書屋詩鈔二卷雨香書屋詩續鈔四卷 雷以誠撰

六八一

道光丁亥

紅蝠山房詩集

海鹽陳克明題

紅蝠山房詩鈔

序

往余客武林於同年交校頭見王子香雪詩文深嘉嘆之則指坐中一白哲少年曰香雪也遂與訂交越數年余銜讎歸拜乘武林見香雪詩文益踴厲宏肆謂培風狂雪不日挾青雪而飛也香雪性偶儻好客及酒急人之急雖貧不吝酒酣輒好爲偉論面折友朋過醒則扣門請罪人或不釋不以爲意再飲再酣亦如之嘗北涉大江游金陵兩寓吳下西踰括蒼遂以詩名吳越間余守襄陽之明年有扁舟來者香雪也握手道平生歡髮亦禿齒亦落非復前少年時矣出其詩相商確會番禺張子南山權司馬見之擊節日相討論南山詩守師承主翁北平由蘇入社之說余主白戰自行已意不以摹仿爲尚香雪之言曰詩以抒寫性情摩繪景物俯仰古今也其旨要不乖於風雅不讀漢魏六朝三唐兩宋元明諸家詩無以擴其隄而啟其局專習漢魏六朝三唐兩宋元明諸家詩之一家又將入其室而爲之役惟學焉而得其所近就其知之所能知力之所能致以咀味其精華涵泳其神氣鏗鏘其音響節旒深造而有得焉久之而知其所難并知其所易則由邇及遐由卑接崇古人皆一室也此襟潤之先君子者顧學力淺薄見異思遷因題揣稱遇景流徙勝或出此入彼不能自主亦不自知如謂衣冠塗澤步搖丁當以求肖古人是范謫仙而埽少陵也僕則何敢香雪之言詩也如是則香雪之致力於詩者可知矣香雪甫中年精力強盛於文無不工頗躡棘闢得復失怡然不以介意故其詩冲夷

紅蝠山房詩集序

居滬無半愁嘆殺抑鬱之音酒酣耳熱往往慷慨激發斫地高歌以吐其磊磊不平之氣故其詩又多似燕井壯士河朔少年平居矚目詳視把卷終日紙窓竹屋鏗火青瑩蟻虱生禪不知檮處時花著手相對嫣然故其詩又多似枯僧習靜羽士游仙惜卷帙零散麗雜互陳余與南山芟隲存之今來黃州刊余囊陽集香雪爲主校勘因序其卷端並付梓人俾同社諸子見之知香雪之造詣已如是卷中之詩今日之香雪也後日充其學力貢之

朝廷作爲雅歌以鳴和盛其造詣更未可量則又異日之香雪也香雪勉乎哉

道光 亥又五月富春周凱序於黃州不足半畝園

紅蝠山房詩敘序

一

父母之教子無不望其有成而有以聞於世也乃斌生而多疾父甚麓府君母汪安人絕愛憐之四歲安人親授四子書爾雅儀禮鐙下日課唐人詩數首遇運典處府君輒檢書講解兼示作法寒暑無間也九歲安人卒始就外傳授五經學作制藝每展讀安人課本未嘗不嗚咽久之會府君卒家日貧偃蹇科場奔走衣食回念依依膝下簪鐙課讀時歲月悠忽四十年於茲矣夫詩理性情宗風雅約其旨於敦厚和平非可苟作已也乃斌少承親訓即有意於詩惜不暇作亦不足存間有吟詠未忍輕棄者思請正大雅稍成就之以慰父母心耳乃學業未成而郊原宰木已拱兩鬢亦秋矣爰檢未散失者鈔而存之致妄希作者後塵平傷心人別有懷抱也名曰紅蝠山房以誌所生

虞云王乃斌自序

紅蝠山房詩敘序

一

紅蝠山房詩鈔總目

卷一

侍親集

僧廬讀書餘課

花月軒小藁

前吳門紀遊草

卷二

括州從遊草

飄香閣偶存

越遊小草

卷三

紅蝠山房詩鈔總目

里居雜吟

後吳門紀遊草 附存紅樓詩

卷四

里居雜吟後編

京江小草

遊焦山詩

遊茅山詩

卷五

漢江集上

卷六

漢江集下

卷七

黃州集

卷八

黃州集

卷九

黃州集

紅蝠山房詩鈔總目

二

紅蝠山房詩鈔卷一

仁和 王乃斌 卷一

侍親集 嘉慶甲子乙丑

臨平道中

煙波迢接女兒鄉水上風來四面涼一舸臨平山下路驚絲衝
破藕花香

侍家大人客松江夜飲吳丈星若 兩 泖湖別墅

鴈鴒聲聲急呼雨薄暮涼風颯窻戶柳浦人來半是親茸城客
久翻爲主主人好客夜筵開白蛤銀鱸入饌來醉後多君邀賞
識却因飄泊惜奇才我愧衣空綠伴狂敢效窮途哭唯有
康強祝大椿可憐獨萎先慈竹攜得琴書共一船夢中猶繞青

紅蝠山房詩鈔卷一

鏡屋君言我亦感離鄉惜別明朝三十霜往日親朋多宿草舊

家門第換滄桑少年悔把詩書棄老去更添兒女累哀絲豪竹
不關情麥飯棠梨空灑淚傷心遊子盡天涯纔說離家便憶家
主人停杯客不醉五更殘雨亂蝦蟆

舟中曉望

澹霞微映天殘月半墮水四顧悄無聲疎林薄煙起野鳬忽飛
來荷花香不已

離思

白苧城邊路扁舟日欲斜荷花香世界楊柳酒人家暫客游都
好尋詩興未差無端風笛起離思滿天涯

茸城懷古

六官粉黛熟兵機茶火軍容此合記記得雨餘春草綠至今猶
有雉媒飛

小昆岡對大昆岡中有平原舊草堂可惜竟隨青蓋去讓他張
翰老鱸鄉

神仙終古愛棲霞秀絕千山似九華安得侍兒歌白雪一聲鏡
笛落梅花

聖開鐵鎖定何如石碣苔封五尺餘一戰建春門外日庫公曾
否授兵書

春申浦候潮

吳儂生小吳江住水鳥雙飛嫁船戶從來不解別離愁憤載離
愁來復去秋蘆瑟瑟秋聲多欲行不行防風波歸信急逢朝信

紅蝠山房詩鈔卷一

緩且拋鄉夢聽漁歌

婁江月夜同汪夢谷姑丈 文煥 龍光表伯 兩 小飲

長風吹海月飛上水邊樓照此三人影涼生異地秋壯懷消夜
酒久客厭孤舟不敢言鄉思諸公盡白頭

無母兒

失母纔九齡出入伶仃苦十一繼母來惻惻恩勤撫云即我親
兒何必定胞乳余家日貧薄老父遠服賈母食甘藜藿兒食每
市脯母衣無華鮮兒衣不絀補讀書易辛勤舉步示規矩膝下
十二載未見慈顏怒積勞瘵疾哀哉竟不愈求鯉詎臥冰獻
羹未封股若比曾閔徒擢髮罪難數痛難堪視嚴親慰兒淚如雨
昔年兒患瘡命如朝露危阿母摧心肝長跪求良醫云父遠遊

客五十僅此兒藥物手親哀禱神淚暗垂兒病幸少瘥躬不離
房帷中夜起三嘆飲食間所思疾愈別母去遠爲村塾師出郭
十許里念兒心不怡送之及門閤丁寧慎寒餓兼旬一歸省摩
撫如童時今年母遭疾謀食苦別離阿母強慰我顧我伴舒眉
謂疾必無憂爾無奔走疲淚枯不復滴嗚咽心骨悲轉言復留
我我心痛自知百身已莫贖哀哉世長辭九京兩母見定念無
母兒

秋夜

歸鳥飛何急西風落木哀偶來拾黃葉還怕損青苔露重聽蟲
響月高知鴈來慈親刀尺斷和淚夜燈開

有感

醉來斫地爲誰歌磊落奇才奈爾何未必易成皆大用空山風
雨棟梁多

題鶴泉兄榮書

一角青山日已殘兩行疎柳帶秋寒西風莫撼蘆花鴈飛到天
涯共宿難

僧廬讀書餘課丙寅丁卯

葆凝菴

十笏棲禪地到門生靜心閒房客借榻嘉樹自成林夕霽遲幽
響孤花媚夕陰僧來澹相對疑似住山深

蘇隄

人行芳草長隄路春入桃花細雨天閒倚赤闌千畔望詩情都

在六橋邊

舟泛橫塘里羊丈峴山宗祐招胡丈宜山業同飲書蓑齋
今日天氣晴春風吹我衣一葉漾輕舸鶯燕隨我飛不斷野桃
花曉露猶未晞橫溪十五里有幽人扉款扉見主人感別話
依依惜我隔城市相思苦見稀嬌兒促放學令妻呼下機一一
相見里散步春郊圻桑陰看浴蠶草舍聞呼婦南隣有酒伴契
濶思瞻睇約來共雞黍昨釣溪魚肥斗酒隔歲藏勸我醉無歸
高談轉清曠論詩入幾微但歌栗里辭不受北山譏丈人發高
興促迫揮珠璣詩成明月來竹木生清輝

偶值邵景園山人就小石僧飲酒

細雨花光巷春風菜市橋偶然值隣叟乘興訪僧寮几滿新詩

紅蝠山房詩鈔卷十

卷寇懸舊酒瓢禪房如借榻清夢問參寥是日

張又蘇如梅馬楚次世榮汪茂田廷榮同游湖上

聽雨僧樓數漏長曉鶯暗喚出城忙佳辰百五過寒食好友二
三同小航春暖半歸新柳色水風閒送雜花香南屏松樹層層
數一杵鐘聲又夕陽

攢屋謠

行盡山南與山北鱗排櫺比日攢屋垣低似類野人家風慘嘗
聞新鬼哭分廬列舍如市居山中豪強橫索租子孫處之不經
意但求富貴謀堪與終年登陟尋吉穴宛其死今入此室飄搖
風雨任摧殘惡俗相沿竟成習吁嗟乎一廛既受將終焉從此
逝者不得歸重泉

夏日雜興

借得新詩手倦抄僧窓日影漏松毛忽吹一陣芭蕉雨石硯生雲試染毫

朱盤才剖綠沉瓜心地清涼引興賒山館近來添晚課呼童汲水自澆花

讀李郭侯傳

范陽直搗策空論枉借先生筦北門紅火辛香供飽啖黃臺瓜落照銷魂衣披一品神仙骨力保三朝父子恩九曲湘波書萬卷至今衡嶽象同尊

破鏡

破鏡天飛下孤懸稟稟寒照人知缺陷對月憶團圓清極無塵

紅蝠山房詩鈔卷一

五

柴剛多不折難離心常聚者攬此發三嘆

撒沙夫人廟在阜亭上俗稱半山頭銀廟

銀瓶井金山鼓宋室偏安多奇女夫人際亂甫及并避寇匿山死風雨風雨死瘡痍苦生不殺賊死猶怒撒沙退敵保南土事聞護國封夫人廟貌義義足千古屏列皋亭山接接桐口陽山前陽後種桃花一片紅霞不知數我來正值落花時空中疑是丹砂舞獵獵閃靈旗濛濛結香霧驚神祀靈姑酒酌施酒姥擊擊擊震廟廡回憶西風白鴈涼翠羽明瑤慘不語

韜光觀日出

萬竿綠竹圍煙嵐一徑逶上韜光庵石樓觀海最奇絕老僧約宿蓮華龕琉璃佛火虛堂影照客清涼淪苦茗江岸潮迴月魄

沉三竺鐘魚動隱隱振衣大笑棲鶴驚足踏蒼煙上絕頂此時俯視西湖水非仙非鬼湖光起憑虛指點東海東蒼蒼茫茫烟霧耳忽然一線金光橫須臾萬疊雲峯生海風吹來天轉黑倏爾照眼丹霞明霞升天碧色萬變排雲髻鬚瓊官見重輪摩盪日未升令人心怖目已眩白海龍鳴泛紫濤扶桑初涌一輪高火珠閃爍祥光射百尺危樓影欲掄我欲凌風到日邊金銀臺上揖羣仙回頭笑謝人間世高捧丹輪步九天高捧丹輪步九天君不見日出東方人少年

月夜同謝香士孝廉長慶高荻浦明經瀾訪徐寶幢恭儉

涼月澹於水幽人時未眠柴門敲已久槐樹影初圓不速此宵客相思明日船寶幢將游西江可曾藏斗酒風動曉來天

紅蝠山房詩鈔卷一

六

九日酒樓同汪茂田胡問槎理坦周南卿三變關子方機重陽難得無風雨莫負黃花不出游望遠已來江上鴈題詩且上酒家樓天生俠骨憐孫楚人肯薦肩相馬周一醉渾忘紅日落滿窓燈火夜深秋

花月軒小稿戊辰

雨中望皋亭寄懷羊丈岷山

望入皋亭一桁山桃花千樹屋三間定知著屐旗亭遠風雨聲多醉未還

橫溪十里好尋詩雙藥呀啞任所之半載琴書半載酒一蓬寒雨未歸時

初作 錄一

發店 羊宗祐 岷山

驚黃帛綠細裁詩君是前身杜牧之憶得淺紅衫子薄香溫
茶熟曉寒時

宣和戡金蟋蟀盆歌劉金門學使師試作

古盆拂拭金消磨圖書小字箴宣和當忝內府曾寶此深宮逸
興秋來多秋風一夕黃沙起萬歲山高開戰壘會憶金盆賜藥
師引兵偏渡黃河水一寸山河一寸金南朝此論惜無人重聽
蟋蟀陰山道五國城頭草不春君王一誤平章再蛺蝶鴛鴦分
陳隊奇經狎客關開堂沙蟲十萬襄樊潰從此風悲白鴈涼流
離處處泣寒蘆海迷天水傷心碧蟋蟀無情迫宋亡滄桑幾歷
紅羊劫寒金黯帶淒涼色君不見孤山寺北岳王墳衰草一堆
蟲唧唧

古別離

昔聞白帝子遨遊窮人荒前車駕虬龍膠乘陪鳳凰暮宿蒼梧
朝凌扶桑天蕩蕩分海滄滄嫵媚之樂樂未央皇娥念之心傍
徨心傍徨今長太息愴桐峯兮撫瑤瑟思君王兮渺無極璇宮
夜月當窻織

遠別離

行與君同行坐與君同坐食與君同食臥與君同臥一朝別我
去相思渺何處東望渤海西望流沙南望蒼梧北望崆峒感離
恨今年年獨愴然而涕下

吳聽樵學博

招同湯小眉

祝周堂

仇又村

林葉古潭

龍光

葉牛帆

以煥

夜集積善堂

同巷有孝子十萬隣難買堂舍結清幽花木弄瀟灑爾汝各忘
形圖史互講解十年相過從往往辰至亥今日天氣佳豪情又
增倍天性不喜飲頗愛量如海秋水二寸魚西風八跪蟹杯酒
白玉擎坐客青眼待君子重結交比匪不可悔相將最道義重
止炫文采升堂拜慈幃康強歌壽豈佳兒敬父執廣額覆華髮
碧月上軒楹黃花吐蓓蕾樂比竹林遊一醉消磊砢數武近衛
門思君老母在

花月軒誌感贈沈韻秋少府

合謝詩人沈隱侯蒲軒花月榻相留憐余一唱朝飛曲十萬婚
錢助阮修

菽城

白蘋紅麥水村居十幅烏綾圖不如買得程林家釀酒下菽城
外晚來初

太湖泛月歌

君不見東洞庭西洞庭清寒遠人羣峯青又不見天上月水中
月天水相浮月一色散爲千明珠合爲雙玉璧三萬六千頃照
我舟一葉左望菽城右望笠澤如濯冰壺晃換仙骨扣舷高歌
知音奈何聽者獨夷和者素娥不知今夕是何夕置身髣髴瑤
瑤闕千百年來無此樂翳謫仙之采石兮坡仙之赤壁

崑山

馬鞍山色曉來青昨夜隔舟白苧城水接婁江分塔影地隣吳
苑重歌聲論文不見歸熙甫好客誰如顧仲瑛多少玉人生此

處最難爲是後來情

仲雍墓

君親兩不負兄弟各千秋忠孝民同逸商周論可休野人閒采藥落日下荒邱至德瞻祠廟蘇臺憶舊遊蘇伯廟在闔門內

言子里

山色銅官靜秋雲澹若何昔賢遺里在千載客經過文教東南盛書聲子姓多絃歌有餘意門外繞琴河

虞山望尚湖

一山飛來水邊立山下寒潮晚來急倒聽楓葉響蕭蕭石壁不乾雲霧汁翠色遙分兩洞庭七十二峰相拱揖尚湖一碧環中央震澤波光互吞吐風高渡古釣者稀蒼茫疑有蛟龍蟄八十

紅蝠山房詩鈔卷一

九

老翁白髮秋天寒此地荷蓑笠

送馬楚茨之江左

省父游江左君如王子安含悽別慈母去住兩情難

前吳門紀遊草已巳至庚午秋

關堰湖

官柳陰陰護釣居舟人都喚買銀魚六年重到依然我惜不聞

披笠澤書

夜過橫塘

樓臺映水搖燈火曲曲紅欄澹煙鎖夢裏還家不當歸閒倚蓬窓醒較可綠雲深護睡鴛鴦荷葉無風靜有香夜深一片橫塘月曾照吳宮白玉床

瀟川放舟至靈巖

輕舟廻長川旭日散林霧風吹岸草香幽光泛晨露松竹掩柴關朝炊澹烟互梯影亂花遮兒女笑聲度采葉伺晚鷺鳴鳩拂桑樹溪盡轉石磴滄波渺前渡窈窕數烟鬟美人悵何處

美人幻色相但見青芙蓉芙蓉千萬花散作群山峰攀躋結靈想招我扶仙筇蘿衣滴寒翠芒屨凌虛空塢影澹白日泉聲迴溪風梵宇峙林表風昔吳王宮歌舞有時盡人耳魚與鐘變幻瞞千古落落蒼崖松具區萬頃波塊磊盡心胸

鄧尉坐梅樹下

東西潭水碧參差銅井煙深日落遲坐久偶聞風墮葉影搖頻見鳥翻枝香中醉酒神仙尉雪後和羹宰相詩結子已成根已

紅蝠山房詩鈔卷一

十

老耐看原勝好花時

范文正公祠

真麓峰插碧天高轉入平岡路不遙古廟陰森圍大樹雲旗繚緋降空霄生驚賊膽千軍碎死受山靈萬笏朝後樂先憂天下事有人齋粥念中宵

虎邱寺

不見山容露浮圖忽樹巔兩廊排畫壁一水繞歌櫓客聚午烟散僧歸夕磬圓花香鑿影路風景晚來天

山塘散步懷古十絕

千年虎氣散金精寂寞蒼苔花夜至春莫怪夫差忘死父魚盤抽劍爾何人國闕家

般浩許空嗟怪事却超入幕預奸謀何如舍却東西宅司馬無煩重黑頭

短傳詞

女墳湖上波鄰鄰真娘墓頭草色新休怨落花風雨重五更誰葬翠蘿人

真娘墓

專諸故里要離家地下相逢俠客魂畢竟輸他五人墓獨留義氣在乾坤

五人墓

高閣登臨拜少陵殘杯冷炙憶酸辛凭欄忽聽簫聲過不敢輕量乞食人

懷杜閣

塔影園西憶泊舟白公祠下又句留天涯不少孤寒士願乞詩翁萬里裘

白公祠

去公七百餘年後何處詩樓不仰蘇我拜先生無別語而今葑

草遍西湖

仰蘇樓

敬亭一片青山色千里飛來諫草樓家園痛亡君法重一棺遺

命葬宜州

美貞養祠

花石君臣棄國秋玉蘭一樹刺山邱桑麻半爲園丁誤朱勳偏教子姓留

花園市

治坊日把金錫鑄銷盡黃金總不知休更繁華說吳國一錢曾許看西施

治坊浜

吳江晚泊

垂虹橋外柳絲絲暫繫扁舟買醉時小雨數聲荷葉動晚涼先有白鷗知

金陵小葉

江上七夕

大江逝東去天漢迴西流今夕問何夕織女會牽牛俯觀清水清仰視浮雲浮明月照高樹始入西南樓盈盈樓上女脉脉念客遊客遊托江渚離草香且幽歡歌莫予應狎玩鳬與鷗涼風天末來孤影先驚秋

石頭城夜泊

虎踞金陵控大江龍驤功業晉開邦山河健舉三分鼎花月愁生六代腔一夢才人誇筆艷幾家帝子慨帆降投詩我欲司徒弔夜半青燐照水牕

水西門尋賞心亭遺址

香波流盡六朝魂水近秦淮半粉痕一樣美人能殉國白楊何

處玉兒墳

紅蝠山房詩鈔卷一

主

六角紅亭問有無夕陽鴉影散平蕪不知風雨匡州路可帶裘安卧雪圖

青溪

唱徹繁霜亦可憐有情花月誤嫋娟波光一帶搖燈影又是青溪欲暮天

雨中游莫愁湖

酒樓我欲尋孫楚惜少風流李謫仙脫却紫裘渾易事更誰相與共陶然

金樽昨憶醉秦淮多少眉痕似爾猜南湖煙亂愁思何人催送莫愁來

鬱金堂題莫愁小影

十二金釵挂鳳頭
畫圖如見舊風流
蛾眉筆染三山翠
蠅鬢烟籠六代愁
湖上波光空照影
梁間燕子早辭秋
貞娘蘇小休輕
擬少婦生兒記阿侯

勝棋樓

桃花燕子了殘枰
賭墅君臣說舊京
元帝山河歸指掌
漢家弓鳥憶韓彭
機心後日開疑獄
要着先爭保令名
閒與老僧談劫數
莫愁湖上一樓橫

登報恩寺浮圖

佛幻三千相
人來第五層
憑高一以眺
秋色滿金陵
歸路帆猶遲
越天月已升
暮望亭外樹
花好驗豐登

寺有五教樹以花開多收驗豐登

紅蝠山房詩鈔卷一

桃葉渡

瑟瑟水波香溶溶
月影上誰迎
意中人渡頭打雙槳

西浦晚泊

秣陵秋淡雨霏微
紅蓼花明白鷺飛
天際歸舟雲際樹
詩情滿目謝元暉

宮官蠟火照旌旗
綉甲紅粧夜獵時
可惜玉遊開不得
艷情空讀錦囊詩

板橋楊柳月昏黃
豚對盈盈水一方
想到西春留玉腕
人天離別總淒涼

昭關

過昭關路長懷伍大夫
包胥終復楚范蠡竟亡吳
霸業空憑

弔江湖枉怒驅
欲尋漁父問秋思
滿菰蘆

舟次毘陵感懷

樓臺燈火照層層
兩听人家喚欲膺
美酒沽來容易醉
爲他會住古蘭陵

嘉興

又過杉青聞涼風
七月天平橋呼鴨渡
小槳買菱船水已柴門
接家還旅夢懸鴛鴦
湖上月伴我意纏綿

紅蝠山房詩鈔卷一

古

紅蝠山房詩鈔卷二

仁和 王乃斌 香雪

括州從游草 庚午冬至
辛未秋

江行雜詠

送者入城去客心隨到家櫓聲辭岸遠鴈字逐風斜海日已銜
嶺江雲欲變霞誰憐今夕夢惹愁伴蘆花

濤奔海上來截住子陵臺日色一江冷秋聲萬壑哀帆墮山轉
側雲共鳥徘徊余亦蓬窓下相親倚酒杯

移舟傍深樹落葉打篷窓過雨泉聲亂窺人鳥影雙寒雲連越
嶠孤月浸桐江不見披裘客漁燈亂石花

竹外青山斷孤村抱水居午雞茅屋近秋樹野橋疎磬落知藏

紅蝠山房詩鈔卷二

寺船來喚買魚大灘前面近明日過桐廬

桐江弔謝皋羽

一哭蘇臺再越臺子陵墓上不勝哀桐江歌灑遺民淚柴市魂
招相國來千載有人稱古義當年知已感斯才溪蘋未得芳祠

薦遙與方干奠一杯

七里瀧

青山紅樹白雲低中有人家住水西五百灘前帆影疾亂松烟
冷畫眉啼

上灘難

大灘滾滾如波濤小灘嘈嘈雜風雨高灘非用亦非濤沙尖石
簇魚可數灘大危灘小險灘高始知舟子苦船頭橫木兩肩挑

紅蝠山房詩鈔

船後負舵半身俯兩邊推挽手不停雙足踏浪聲潄潄來船如
鷲飢引領久延佇後船若魚貫銜尾半吞吐偶遭沙水平齊用
木篙拄豈不鼓全力稍稍聞笑語客道前行灘更多未到先歌
奈何許奈何許發長嘆日漸短風漸寒後來者愁早乾吁嗟乎
古來萬事類如此君不見上灘難

負絳子

沙邊魚負者負絳可憐子灘淺南足泥灘深半身水台我苦瘡
痍鋒觸石齒齒風寒裂似刀浪浪血未止上灘曳舟行下灘負
舟起灘盡水勢迴負絳良可喜聖人作舟楫利濟萬民耳托業
爲榜人詎能概置彼但推上蒼仁赤子匪異視人生衣食謀不
料困若此余舟頗偏仄稍可舒四體既足覽山川亦足擁圖書

江船山房詩鈔卷三

兄當跛脚眠顧之嘆不已世上苦人多斯言寸心是

估客樂

估客樂今年利市三倍卜有利不樂胡爲乎船中小婦琵琶曲
估客樂估客不樂母倚閭妻獨宿鄉遙遙月澆澆行舟不少風

波惡

江船婦

江船婦少者壻老者母壻非母壻非母業漁船姓有九不識精
羅香修蛾畫亦長相逢門嫵媚飛過野鴛鴦飛過妾心苦
紅顏薄命良家女賣入江船作小妻不如墮地棄溝土目注江
波淚如雨

婺州三賢祠

百戰餘生奈病何秋風秋雨渡黃河大星五丈原頭落一樣英雄涕淚多宗公澤

薦尹焯才足棟梁大農首疏重琳瑯忠心一死從君日不讓南朝李侍郎梅公執禮

面叱廷臣氣勢雄先生不獨有儒風用人自執朝廷法豈肯私恩乞相公梅公良貴

八詠樓弔沈隱侯約

東陽不見沈隱侯空尋八詠之高樓樓前樹接紅霞洞樓外江流白鷺洲春花秋月有好句此君當日何風流聞君善病腰支瘦天不憐君使君壽歷來齊梁老侍中兩番禪詔君懷袖白髮宮人掩面悲赤章道士焚香奏割舌宵驚鬼劍飛采樵悔拾金

紅嶠山房詩鈔卷三

三

紹舊東田曾記築行園尚有郊居一賦存四聲韻譜今攜得樓上題詩怡爾魂

桃花嶺

雲沉白鶴峯馬策黃龍成孤嶺接天高亂泉衝石怒一卒當關雄險扼金湯固戰壘弔前朝荒烟渺何處風悲萬木號月黑虎狼踞古來謫宦人到此泣歧路卓哉有馮公輕身鳥道赴崇岡剪荆榛陰厓豁雲霧險隘化坦途穹碑偉績著民生況清時行李任來去隔年春風吹暖入桃花樹余當嶺上行花下酬詩句

贈馮春穀振孫

初逢何灑落君本鴈門豪壯志思投筆功名贈佩刀爲余歌進酒看爾脫征袍一醉且莫問蒼山風雪高

懷錢硯溪益壽

漫天風雪黯離舟君去揚州我括州萬疊蒼山一江月白頭人憶少年遊

括州除夕

選聞臘鼓滿街譁官關筵開吏散衙屋抱羣山喧爆竹春迴合座今催花厭厭夜飲同迎歲黯黯離愁各憶家辜負紅闌祝如願三年上計笑秦嘉

山城

莫笑山城陋須知俗最醇市無沽酒客擔少賣花人畏吏庭稀訟耕田世守貧縱然紛嫁娶不見綺羅新

莫笑山城陋民猶太古初誅茅編野屋留客采畦蔬地隙多栽

紅嶠山房詩鈔卷三

四

竹溪寒不產魚石門幽絕處有客讀詩書

眺南明諸峯春雪

北風陣陣兼東風客愁吹散梅花紅夜聽寒雨曉忽止光疑明月窺窓中開窓始覺賸銀海雪花掌大飛遙空催花鼓撒白雨點陽春一曲歌天公側聞眺雪妙遠景層樓卷起珠簾櫺城南南明好山色三十六丈瑠瑤峯一峯突起撐山骨珊瑚玉節何玲瓏一峯中凹如橐駝背擁敗絮態疲癯峰陰深窈峯面白狀如九老扶晶筇石梁瀑布最奇絕想像象冷臥空山龍鳥飛不見雲濛濛何論千株萬株松鷓鴣杓琥珀鐘醉難磊塊銷心骨我憐采薪者愁望樵徑封又思開門客僂臥斷晨春桃花山隘險如九折坂過客無乃悲途窮去年臘雪已盈尺豐年早晚慰三

農但愛旭日光瞳矐梨花清香李花艷入樓萬朵青芙蓉

席上懷汪茂田

層樓高卷水晶櫺北海樽開酒不空寒對月明三鼓後醉忘身在萬山中名流快集江湖彥公子情深大小馮此夜汪倫思我否桃花潭水又東風

杏花同賦

昨宵微雨杏花開清曉花前立幾回一樣春風好嘯拂幾時移向日邊栽

代州馮 歲百史

日下當年幾樹誇春風重見惜天涯行人遮莫添離思此是郎君及第花

紅蝠山房詩鈔卷二

五

長洲江 湘雲棧

枝頭紅杏鬧初酣曉色迷離露半含昨夜吟樓春雨足記曾尋夢到江南

百史師招同張荔園教授 駿游南明寺用昌黎山石韻

山城四月寒猶微白雲無心山忘飛衙齋岑寂似講舍長官清瘦百姓肥出郭但云好山色石梁假卧過者稀瀑布倒挂溪水急溪寒魚少白鷺飢扁舟直下突星瀨鶴跡滿徑尋禪扉蒼苔濕翠竹氣冷瘦藤吹落花霏霏坐倚盤石杯重把薔薇十丈紅羅圖醉聽流泉洗俗耳嵐煙冉冉侵春衣醒來夕陽亂人影山僧笑客座網轍前峯高碧月起一聲清磬催人歸

蔣我亭太守 廷瓚 百史師荔園丈顧芝泉主簿 永恒 重遊

紅蝠山房詩鈔

南明寺

百道飛泉噴石梁千章古樹鬱奇香僧寮雅會連真率佛殿蕭條發慨慷池上酒傾劉白墮座中人愧杜黃裳鴻泥雪印深山少兩度尋詩問夕陽

荔園丈邀賞盆蓮

萬山深鎖白雲隈那有荷池面面開入夏地宜官暑冷好遊人少學宮來花香靜撲談經席酒味涼生解語杯的的盆中生苦意春風桃李總栽培

秦淮海監酒處

黨籍同編蘇學士詞名壓倒柳屯田但教日醉中山酒絕勝南荒路八千

紅蝠山房詩鈔卷二

六

王伯厚祠

古誼忠肝鑒別神况教博學邁羣倫狀頭拔得文丞相公亦南朝第一人

好溪

風俗於人任轉移好溪曾記惡名溪漁歌一曲滄浪外笑煞溫郎照水犀

送人歸潤州

城高錢甕枕寒流一片征帆下潤州老去風懷中婦艷十年歸興大江秋南明我倦重尋寺北固君還獨倚樓可惜鴻泥太忽促驚秦祠畔記句留

重過綠波亭

綠波亭麗水縣南門水亭余春遊口號云二月白蘋水相思生遠汀東風吹雨急人在綠波亭百史師深賞之今師奉微之楚北雲棲還吳門余亦將歸武林矣開步至亭悵然賦此

往事渾如春夢夢水亭依舊夕陽過人當話別關心最詩到他鄉得句多吳地秋風江上鴈楚天寒雨晚來波黯黯不少凭欄處欲采蘋花奈爾何

重過桃花嶺

桃花嶺桃花開尋春不逐春風來昔行苦寒積雪崔嵬今歌秋風落葉酸哀陰厓日慘深壑雲霾亂峯插天狀奇鬼飛泉挾石噴奔雷已焉哉馬廋隕願招渴羌同醉窪槽石不贈遠志獨上忘歸臺臺址在嶺下李陽水簾有窪槽石

歸自括蒼訪汪茂田小飲懷馮春穀遠侯

紅編山房詩鈔卷二

七

落葉敲門報客來淡煙低鎖徑邊苔人經小別秋先老詩近重陽雨半催蒼嶺昔繁千里夢黃花又把隔年杯君休細問歸時路江上孤帆客未回

贈陳小魯行

雙毫綬兔驚風雨一曲啼烏泣鬼神惜不四明狂客遇問誰知是謫仙人

孫丈育廬大智汪素安表弟雪中過訪留飲

深竹隱茅三棲禽動飢色誰肯忍寒來入門滿身雪埽雪先煮茗爐火猶微溫且讀新詩卷丈以和余括州草全詩見示還傾舊瓦盆今夕樂情話昨日思遠道余歸自括州兩君從婺江回衣上綳塵多鏡中顏色老何如飲美酒又將改歲華窓牕透香氣風落黃梅花

飄香閣偶存王申至甲戌自甲戌冬至先君憂至乙亥無詩

寒食西湖白公祠同顧丈西梅洛闕子方樞聽陳十然弟

子彈琴

啼鴉惱不眠惜花愛起早花裏逢人喚我遊春陰幾日湖山好三里步錢唐風流士有雙螭香五散酒船麗百花聽開隱望人孤山路陞上垂楊綠無數杯酒誰澆處土墳紙灰不上蘇娘墓淺渚泊舟輕芳祠踏草行到門人影亂人座道心清白社悲遺老瑤琴托正聲分明太守勾留處動我成連海上情水龍吟沙鴈曲一彈再鼓添板觸暢好春風湖畔行却疑秋月江干宿鳳凰山懷古同太常馬秋藥先生作

良嶽我戎冠此州故宮花鳥憶宸遊渡河議阻秦長脚航海語

紅編山房詩鈔卷二

八

先賈蒲頭萬里黃龍悲雪窖一聲白雁失江流題詩欲訪芙蓉閣草冷煙荒八百秋

黃武林景福教授琉球官學賦寄

沐日浴月滄海東澎湖島峙碧浪中天青望遠蜃氣滅城郭隱隱浮瑤空云是琉球古卉服兼南井北中山雄漢唐宋元千百載貢使直至明初通我

朝文教邁前古

光被四表六合同萬夷臣某九頓首引頌

帝闕禮敬恭成均天下聲教始願遣胄子游辟雍臬夔昌言

帝曰俞

諸命慎擇儒者宗錢唐黃子乃我友國士早參無雙童時以明